

**ՎԵՐԵԼԱԿՆԵՐԻ ՎԵՐԱՆՈՐՈԳՄԱՆ ԵՎ ՊԱՀՊԱՆՄԱՆ ԾԱՌԱՅՈՒԹՅՈՒՆՆԵՐԻ
ՄԱՏՈՒՑՄԱՆ
ԳՆՄԱՆ ՊԱՅՄԱՆԱԳԻՐ
N ՀՊՄՀ-ԳՀԾՁԲ-22/5**

ք. Երևան

«15» փետրվարի 2022թ.

«ԽԱՉԱՏՈՒՐ ԱՐՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ» հիմնադրամ, ի դեմս ռեկտորի ժ/պ Ս. Գևորգյանի, որը գործում է հիմնադրամի կանոնադրության հիման վրա (այսուհետ՝ Պատվիրատու), մի կողմից, և «Վերելակմոնտաժ» ՍՊԸ-ն, ի դեմս տնօրեն Մ. Կիրիմյանի, որը գործում է ընկերության կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է **վերելակների վերանորոգման և պահպանման ծառայությունների** մատուցման պարտավորությունը (այսուհետ՝ ծառայություն)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն.

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը.

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Պայմանագրի N 1 հավելվածով սահմանված պայմաններով ապահովել ծառայության մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Որակավորման և պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է www.procurement.am հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է www.procurement.am հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե մատուցված ծառայությունը համապատասխանում է պայմանագրի պայմաններին, Պատվիրատուն պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 10 (տասը) աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե մատուցված ծառայությունը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.4 Եթե պայմանագրի 3.2 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի մատուցման ենթակա ծառայության գինը կազմում է 480000 (չորս հարյուր ութսուն հազար) ՀՀ դրամ, ներառյալ ԱԱՀ-ն:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 30-ը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով:²¹¹ Ընդ որում տուգանքը հաշվարկվում է նաև ծառայությունը սույն պայմանագրով սահմանված ժամկետում մատուցելու, սակայն պատվիրատուի կողմից այդ չընդունվելու դեպքում:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված աշխատանքային օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել ծառայության օգտագործման պահանջը, իսկ Կատարողի առաջարկությունը ներկայացվել է ոչ ուշ, քան պայմանագրով ի սկզբանե ծառայությունների մատուցման համար սահմանված ժամկետը լրանալուց առնվազն 5 օրացուցային օր առաջ: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

7.7 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Պատվիրատուն այն ուղարկվում է նաև Կատարողի էլեկտրոնային փոստին:

7.10 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.11 Սույն պայմանագիրը կազմված է 9 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.12 Սույն պայմանագրի նկատմամբ կիրառվում է Հայաստանի Հանրապետության իրավունքը:

7.13 Պայմանագրով նախատեսված ծառայությունների մատուցումն իրականացվում է այդ նպատակով ֆինանսական միջոցների առկայության և դրա հիման վրա կողմերի միջև համապատասխան համաձայնագրի կնքման միջոցով: Պայմանագիրը լուծվում է, եթե այն կնքելու օրվան հաջորդող վեց ամսվա ընթացքում այդ նպատակով պայմանագրի կատարման համար ֆինանսական միջոցներ չեն նախատեսվում: Ընդ որում, Կատարողը համաձայնագիրը կնքում և Պատվիրատուին ներկայացնում է համաձայնագիր կնքելու ծանուցումը ստանալու օրվանից

տասնհինգ աշխատանքային օրվա ընթացքում: Հակառակ դեպքում պայմանագիրը Պատվիրատուի կողմից միակողմանիորեն լուծվում է:

28. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

Պ Ա Տ Վ Ի Ր Ա Տ ՈՒ

«Խ. Արովյանի անվան հայկական պետական մանկավարժական համալսարան» հիմնադրամ
ՀՀ, ք. Երևան, Տիգրան Մեծի 17
«Արարատրանկ» ԲԲԸ,
Հ/Հ 1510002308480100
ՀՎՀՀ 02527624
ռեկտորի մ. Կ. Մանուկյան



Կ Ա Տ Ա Ր Ո Ղ

«Վերելակմոնտաժ» ՍՊԸ
ՀՀ, ք. Երևան Բելինսկի 39/3
«Արարատրանկ» ԲԲԸ
Հ/Հ 1510030061380100
ՀՎՀՀ 01548751
Տնօրեն Մ. Կիրիմյան



ՏԵԽՆԻԿԱԿԱՆ ԲՆՈՒԹԱԳԻՐ - ԳՆԱՄՆ ԺԱՄԱՆԱԿԱՑՈՒՅՑ*

ՀՀ դրամ

		Ծառայության					մատուցման	
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	տեխնիկական բնութագիրը	չափման միավորը	ընդհանուր գինը/ՀՀ դրամ	ընդհանուր քանակը	հասցեն	ժամկետը**	
2	50751100/501	<p>Չափաբաժին 2 - SANEL SNL 2000՝ 1 հատ-630 կգ Տեխնիկական սպասարկման պրոցեսի կատարման ժամանակ վերելակը պետք է պարբերաբար ենթարկվի՝</p> <ul style="list-style-type: none"> • Դիտարկումներին. • Ստուգումներին, սարքավորումների և էլեկտրասարքավորումների աշխատանքի ընթացքում, անհրաժեշտ պրոֆիլակտիկ աշխատանքների կատարումով. • Կազմակերպությունը պետք է ունենա նշված մակնիշների վերելակների սպասարկման և վերանորոգման ծառայությունների մատուցման իրավունք (կցել լիցենզիա) և աշխատանքային փորձ (կցել նմանատիպ պայմանագրերը), ինչպես նաև որակավորված մասնագետներ որոնց մասին տեղեկատվությունը պետք է ներկայացվի գնման հայտով՝ սահմանված ձևաչափին համապատասխան (Հավելված 3): <p>Վերելակների տեխնիկական սպասարկումը իր մեջ ներառում է հետևյալ աշխատանքների կատարում՝</p> <ol style="list-style-type: none"> 1. Տեխնիկական սպասարկում, որը կատարվում է 15 օրը մեկ անգամ (SU – 1): 2. Տեխնիկական սպասարկում, որը կատարվում է մեկ ամիսը մեկ անգամ (SU – 2): 3. Տեխնիկական սպասարկում, որը կատարվում է վեց ամիսը մեկ անգամ (SU – 3): 4. Հնարավոր անսարքությունների վերացում և վթարային աշխատանքներ: 5. Վերելակի որևէ դետալի կամ մասի խափանման դեպքում 	դրամ	1	ՀՀ, ք. Երևան, Դեղատան 17	Մինչև 30/12/2022թ		

<p>իրականացնել վերանորոգում, եթե հնարավոր չէ, ապա վերանորոգումը կազմակերպել մեր կողմից գնված անհրաժեշտ սարքերով:</p>	<p>1. Վերելակի կարասիկի դիտարկում: 2. Արգելակի, գապանակների վիճակի, նողակապերի միացման, թմակների, շրջադման մաշվածության դիտարկում: 3. Էլեկտրասարքավորումների փոշուց մաքրում և դիտարկում: 4. Կոնտակտային համակարգի, կոնտակտորների, ռելեների շարժական մասերի դիտարկում և ստուգում: 5. Կարասիկի և էլեկտրասարքավորումների աշխատանքի ստուգում: 6. Ստուգարքային ռեժիմում խցիկի վերնամասից դռները փակող մեխանիզմների նորանի դռների և փականների ստուգում: 7. Ստուգում փեղկերի ամրացումը սայլակներին, ուրբայ ծողերի ամրացումը, գանակների միացման և վիճակի, էքսցենտրիկ առանցքակալների դիտարկում: 8. Էլեկտրական կոնտակտների ուղեկապման անջատիչների աշխատանքի ստուգում, ՕԻ, ՕՄ, որոնք հսկում են փականների և փակվող փեղկերի աշխատանքը: 9. Հորանի դռների և եզրագարդիանակների փոխկապակցվածության ստուգում, որոնք տեղադրված են խցիկի վրա: 10. Խցիկի շարժման ժամանակ շունտերի և տվիչների փոխկապակցվածության ստուգում: 11. Դռների բացման հարդրակի դիտարկում: 12. Կարասիկի վրա գտնվող գլանի և անիկի ամրացման ստուգում: 13. Փոկի կլիմոփոկային հարդրման ձգվածության և վիճակի ստուգում: 14. Հորանի լուսավորվածության վառված լամպերի փոխարինում: 15. Խցիկի և հակակշիռի կախացների և ճուլանների միացման վիճակի ստուգում: 16. Դռների հարդրակի ռեվերսային սարքավորման գործարկման աշխատանքի վիճակի ստուգում: 17. Խցիկի շարժական հատակի աշխատանքի ստուգում: 18. Վերելակի կանչերի և հրամանների սխեմայի աշխատանքի ստուգում: 19. Համոզվել, որ խցիկի շարժման ընթացքում, խփումներ և կողմնակի ձայներ չկան:</p>	<p>1. Վերելակի դիտարկումը, որն կատարվում է ամիսը մեկ անգամ համատեղվում է դիտարկումով, որն կատարվում է 15 օրն մեկ անգամ: 2. Մեքենայական սրահի էլեկտրասարքավորումների,</p>					

		<p>շարժական էլեկտրատարափոխումների վրա գտնվող դրոշմված պտուտակի դիտարկում:</p> <p>3. Արագության սահմանափակման անխի վտակի մաշվածության դիտարկում:</p> <p>4. Կարապիկի վրա գտնվող ճուղանատար անխի վտակի մաշվածության դիտարկում:</p> <p>5. Ճուղանների (հիմնական և արագության սահմանափակման) դիտարկում և մաքրում:</p> <p>6. Խցիկի ներդրակների մաշիկների մաշվածության ստուգում:</p> <p>7. Խցիկի և հակակշիռի ուղղորդների և հորանի միացումների ստուգում, և ուղղորդների միմյանց միացումների ստուգում:</p> <p>8. Կցվածքային ձողիկների և գնդերիքների ձգվածության ստուգում:</p> <p>9. ՀԿԵ անջատիչի աշխատանքի ստուգում:</p> <p>10. Հակակշիռի, ճուղանների միացման, ճուղանների գաժիմների ներկայության, մատերի միացման, մատերի փոխկապակցվածության, կախուցների գապանակների վիճակի, ներդրակների մաշիկների մաշվածության դիտարկում:</p> <p>11. Հորանի և խցիկի էլեկտրոլարերի ամրացման ստուգում:</p> <p>12. Խցիկի կախոցի և հավասարակշիռի վիճակի ստուգում:</p> <p>13. Բռնող մեխանիզմների միացման դիտարկում խցիկի վրայից, փոշուց և կեղտից մաքրում:</p> <p>14. Բռնիչների վրա գտնվող անջատիչի աշխատանքի ստուգում:</p> <p>15. Խցիկի ներքևի մաշիկների մաշվածության ստուգում:</p> <p>16. Կլիմների և բռնիչների կարողանների դիտարկում և փոշուց մաքրում:</p> <p>17. Արագության սահմանափակման ճուղանի ձգող սարքավորման ստուգում:</p> <p>18. Հակակշիռի ներքևի հարդակի և հակակշիռի հիդրակիկ բուֆերի հարդակի անցքի ստուգում:</p> <p>19. Հորանի, խցիկի, ստորահորանի և այնտեղ գտնվող սարքավորումների մաքրում և հանգույցների յուղում:</p> <p>20. Խցիկի և հակակշիռի վրա գտնվող յուղամանների մեջ յուղի պարունակության ստուգում:</p> <p>21. Վերջնական անջատիչների (ԹԽ ստուգում խցիկի անցումներում վերջնական կանգառների մակարդակի վրա:</p> <p>22. Վերջնական անջատիչների (ԹԽ աշխատանքի կարգավորում:</p> <p>1. Կատարվում են աշխատանքներ, որոնք նախատեսված են II մասում:</p> <p>2. Կիսակցորդների միացման ստուգում, որոնք ամրացված են ռեարկտորի էլեկտրաշարժիչի գլանի ուղեղի վրա:</p> <p>3. Մատերի վիճակի և մատերի կոշտ օղակների մաշվածության ստուգում:</p>	
--	--	--	--

		<p>4. Որպայն անվիլի վեճեցի և որպայն գույցի մաշվածության ստուգում վերելակի ամբողջ շահառվ:</p> <p>5. Արագության սահմանափակման առանցքակալի սկավառակի մաշվածության ստուգում:</p> <p>6. Արագության սահմանափակման և բռնիչների աշխատանքի փորձարկում:</p> <p>7. Բռնիչների միացման ստուգում, երբ ճուպանը դրված է արագության սահմանափակման սկավառակի վրա:</p> <p>8. Խցիկի բեռնվածության աստիճանը վերահսկող սարքավորման աշխատանքի ստուգում:</p> <p>9. Մեքենայական սրահի, հորանի և խցիկի էլեկտրալարերի մեկուսացման դիմադրողականության ստուգում:</p>				
--	--	---	--	--	--	--

* ծառայության մատուցման վերջնաժամկետը չի կարող ավել լինել, քան փյալ փարվա դեկտեմբերի 25-ը:
 ** Եթե պայմանագիրը կերպվում է "Գնումների մասին" ՀՀ օրենքի 15-րդ հոդվածի 6-րդ մասի հիման վրա, ապա սյունակում ժամկետի հաշվարկն իրականացվում է ֆինանսական միջոցներ նախատեսվելու դեպքում կորմերի միջև կերպող համաձայնագրի ուժի մեջ մտնելու օրվանից սկսած:

Պ Ա Ս Վ Ի Ի Ա Տ Ո Ւ

«ԻՄ. Արոյանի անվան հայկական պետական մանկավարժական համալսարան» հիմնադրամ
 ՀՀ, ք. Երևան, Տիգրան Մեծի 17
 «Արարատրանկ» ԲԲԸ,
 Հ/Հ 1510002308480100



Կ Ա Տ Ա Ր Ո Ղ

«Վերելակնետաժ» ՍՊԸ
 ՀՀ, ք. Երևան Բելինսկի 39/3
 «Արարատրանկ» ԲԲԸ
 Հ/Հ 1510030061380100
 ՀՎՀՀ 01548751



Տնօրեն՝ Մ. Կիրիսյան

ՎՃԱՐՄԱՆ ԺԱՄԱՆԱԿԱՑՈՒՅՑ*

«Ղ դրամ

		Ծառայության															
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	դիմաց վճարումները նախատեսվում է իրականացնել 2022թ-ին՝ ըստ ամիսների, այդ թվում**														
			յունիս	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը		
2	50751100/501	Վերելակների սպասարկման և վերանորոգման ծառայություններ
			%	%	%	%	%	%	%	%	%	%	%	%	%	%	%

* Վճարման ենթակա գումարները ներկայացվում են ածողական կարգով: Եթե պայմանագիրը կնքվում է "Գնումների մասին" ՀՀ օրենքի 15-րդ հոդվածի 6-րդ մասի հիման վրա, ապա սույն ժամանակացույցը լրացվում և կնքվում է ֆինանսական միջոցներ նախատեսվելու դեպքում կողմերի միջև կնքվող համաձայնագրի հետ միաժամանակ՝ որպես դրա անբաժանելի մաս:

** հրավերում գումարները նշվում են տոկոսով, իսկ պայմանագիրը կնքելիս տոկոսի փոխարեն նշվում է կոնկրետ գումարի չափ

Պ Ա Տ Վ Ի Ր Ա Տ ՈՒ

«Ի. Արվյանի անվան հայկական պետական մանկավարժական համալսարան» հիմնադրամ
 ՀՀ, ք. Երևան, Տիգրան Մեծի 17
 «Արարատբանկ» ԲԲԸ,
 Հ/Հ 1510002308480100
 ՀՎՀՀ 02527624

ռեկտոր Ք.Վ. Գառոջյան



Կ Ա Տ Ա Ր Ո Ղ

«Վերելակմոնտաժ» ՍՊԸ
 ՀՀ, ք. Երևան Բելինսկի 39/3
 «Արարատբանկ» ԲԲԸ
 Հ/Հ 1510030061380100
 ՀՎՀՀ 01548751

Տնօրեն՝ Մ. Կիրիմյան

